



BIBLIOTHECA  
UNIV. JAGELL.  
CRACOVENSIS

kal.komp.

25066

Mag. St. Dr.

1



Biblioteka Jagiellońska



stdr0001706



25066

I











25066

I

P

Witwida Stan.

15

Tuba verum spargens sonum  
Super sceptrum nationum.

Impressum Anno Domini 1681.

BIBLIOTHECA UNIV.



JAGIELLO

Hist. 3689



gr. pap. n. 1  
K 124 xiii / 68

Aug. Administration  
at Hutter Friedlein  
Krahan

Dimmner's Tochter





*Tuba verum spargens sonum  
Super sceptrum nationum.*

**T**uba sum, sed nondum illa, quæ Vos, Reges & Principes terræ, ante supremum sistet thronum: ubi stricta, tremendo Judici Deo, reddenda erit ratio, cur tantoperè?

*Bella geri placuit nullos habitura triumphos.*

Nam Christiana; nam Civilia: eo planè tempore Regnorum Vestrorum placuit dilatare pomœria; quo Regnum Dei, quod intra Vos est, ab immanissimo arctatur fidei hoste: Murata Dei templa diruuntur ac profanantur; viva verò, quod grandius est nefas, in barbaricam abducuntur servitutem; & hæc omnia Vestro ferè jussu, quia permissu.

Necdum illa sum tuba, quæ Vos, cineresque Vestros ad tribunal famæ, & prosperæ ad posteros memoriæ citabit & interrogabit,

Cur - - - pro fœdere, proq;

*Iustitia, est ensis?*

Cur Vobis videtur, id in summa fortuna æquius, quod validius?

Cur - - - queritur belli exitus,  
non causa?

A

Nemo





*Nemo nocens, nisi victus?*

Nec vehemens illa sum tuba, cujus raucedinem, declarationibus susurris assuetæ Regum non ferunt aures: Illa sum tuba, quæ reverenti cultu, Vestris allabens aurbus Regios obtutus Vestros, adverso Christianitatis fato, in Occidentali plaga & bello defixos, ad Orientalem, meliori convertam omine: ut tandem aliquando periculum pacis Sophisma intelligatis: quo olim toti Orienti, nunc jam & Vobis ipsis, humanissimus, & hoc ipso immatissimus illudit hostis.

Noni seculi decursu, à Persarum Rege contra Saracenos belligerante, evocatos Turcas & ex latebris Caucasii montis, ceu pestiferam luem, publicum in theatrum effusos conspexit Orbis.

Tempus erat, quo decumani illi Europæ & Africæ fluctus; Gotti, Vandali, Heruli, Longobardi, Hunni, Alarico, Attilâ, Genserico, Hunerico, Odoacre, Theodorico, Regibus & Ducibus, postquam à Septentrione erumpentes, tot Regna inundaverant, Romani Imperii fortunam, usque ad vestigia ejus abolenda suppresserant; postquam uno & altero seculo, tragicas in theatro Orbis luserant scenas; Ipsi vicissim, partim observatâ vi, per continua, sine intervallo pacis, bella, extinctâ sensim feritate, potentiam simul suam, & tempestatem Orbis consummarunt.

Tempus inquam erat, quo aliud quoque Arabicis ex montibus, Saracenorum exortum in Oriente fulmen, paruit quidem in Occidente, & Africam, Hispaniam, Galliam pertransivit: sed tandem, cum totâ vi & potentia niteretur, jam languescere & dissipari cœperat. Notabile & ingens, post se hic turbines Orbis, haud perennatura,  
ra,



re, sine adminiculo artis, Martis potentia, reliquerunt  
exemplum. Quo Turcica (de qua Nobis nunc res est)  
in tantum profecit, ipsa inter primordia, fortuna; ut cre-  
deret, nil diu durabile, quod continuo violentum esset.  
Proinde non caeco illo, ut memoratae Nationes impetu,  
Gentes & Regna aggredi & expugnare ausa; sed ita Mar-  
tem Mercurio temperandum, bellum pace condiendum  
censuit; ut, quemcunque bello laceßere contigit, eun-  
dem illico, specioso pacis titulo delinire, blandæ socia-  
tis armorum illicio demulcere, inebriare, & in obli-  
vionem injuriarum inducere, apprimere & studiosè conten-  
derit; adeo, ut pacificis his artibus emolliti, ceu dulci ve-  
neno pasti, aut præstigiis incantantium infascinati Popu-  
li, faciles ad ferendas redderentur injurias: Et qui ferro  
ferum; hostili impetui infracta opposuissent pectora;  
infido & versipelli Amico, titulis amicitia & tractatum,  
paterent inermes: quasvè bello conservârunt Provin-  
cias dum in acie starent; easdem per Tractatus quasi  
amicos, deprecatione belli, postquam pacis dulcedine  
caperentur, serviliter amitterent. Hinc est ut Turci-  
cum Imperium continuatis per septimum jam seculum  
incrementis, in eam, quam cernimus & suspicimus, assur-  
rexit, assurgatque molem: Scilicet dulcedine pacis,  
belli amaritudinem taliter temperando; qualiter molli  
calce & cemento, lapidum durities intermisceri solet, in  
opus nullis perviû ictibus, & in ævû suum duraturû coa-  
lescit. Exempla, ne longior existam, quàm instituti  
mei fert ratio, pauciora & principaliora afferam: tum &  
illa quæ eò validiora cenleo; quò recentiora sunt.

Circa Nongentesimum, ut supra diximus, annum,  
evocata Persis in belli subsidium Turcæ, aliquas in Per-



sive Provincias, præmii loco acceperant per Tractatus. Demum continuato cum Saracenis bello propriis viribus, vacantibus interim ab hoc Martis exercitio Persis, tandem quos tutandos, tam grandi stipendio susceperant, eosdem altæ quieti mersos, aliter imminente periculo, ulterius defendere recusarunt, donec novo tractatu, Turcas, ex subsidiariis populis, suos facerent Dominos.

Ita occupatâ sine sanguine Perside, (quam post amiserant;) Saraceni petendi erant, non tam hostili telo, quam amicitiae velo.

Ab his pacem & religionem Mahometanam, societatem quoque belli, magna cum dote Asiaticarum provinciarum acceperant.

Venientibus illas in Regiones Christianorum armis, pro recuperanda Terra sancta, Saracenis assistentiam dare, nisi novis ab iisdem cumulerentur Provinciis, renuerunt. Quibus aliquot per prælia fractis, Turcæ aliam arripuere occasionem perpetui sine sanguine incrementi: pacem, amicitiam, & societatem Constantino-politanis offerendo Imperatoribus, præmio identidem regionum. Quibus aucti, iterum eò arctiori Caliphis Ægyptiacis, Saracenorum Principibus junguntur fœdere; quò debiliores jam esse viderent, magisque amicis obnoxios technis. Ita factum, ut non longo post tempore, eos non evaginato penè, nisi ad Damiatam ense, sub Selimo, primò Provinciis, mox & Regno exuerunt.

Quid memorem per tractatus cum Imperatoribus Græcis sub Orcane, potiores minoris Asiæ Provincias, solâ Prusliæ urbe expugnatâ, occupatas! Per tractatus Amurates trajecto Hellesponto, Græciam invasit. Per tractatus & connubia, Serviam & Bulgariam, vix  
stricto,



stricto, contra Lazarum Despotem ense, cætera pacis inter Conditiones possederunt. Octennii pace, Thraciam ita sui reddiderunt juris, ut capta per vim Adrianopoli, Philipopoli autem cum reliquis, per tractatus occupatâ, unico à Constantinopoli miliari, distant in loco fortalitium extruxerint: Compedes Bosphoro injecerint: Asiam cum Europa junxerint spectantibus Græcis, & ceu cum Amicis, dissimulantibus, pacemque abrumpere nolentibus: quam tantò dulcius occinebat secundus Mahometes ore; quantò crudelius bellum fovebat corde: in tantum ut ablatis eum in modum sine bello Provinciis, in solam Urbem Constantinopolitanam, vim & potentiam exereret hostis; cum cætera caperet ut Amicus.

Ungaria, illatâ Turcis ad Belgradum clade, ablata sub Matthia Rege recuperavit: & tamdiu salva, quamdiu Turcarum hostis erat. Ubi verò pacis admisit nomen, Tractatibus perire cœpit, peritque. Trabisondinum quoque Imperium nonnisi aliâ pace, Turcicas cecidit in casses; Nec enslem hostilem vidit, nisi in jugulo Davidis Comneni ultimi Imperatoris, & Procerum. Veneta Respublica nonne Calcidem & Scutari, aliàs Acropolim, & tot Insulas tractatu pacis perdidit; Cum non ita pridem ultra viginti annos, de una bello disputaverit Urbe: adeò, quanta ad præsentem diem possedisset dominia, si tam strenuè pro primis, ut pro ultimis, certâset? Valachia nonne per societatem ejusdem periit? Montes Cerauniæ, & illorum Populi liberi, Albaniaque nonne Tractatum succubuere fato?

Non hic recensere eos Tractatus pacis, quos Imperialis Austriacorum Familia, Ungaricis admota sce-



ptris, hocce cum Vicino tot vicibus conscripserat: Ad quos peragendos, nonne aliquando, vix auditâ facilitate, secundus post Vesirum, Imperii Turcici Minister Statûs, Caimacan, Viennam usque venerit? Pateret utique ex illis quantum, non per sanguinem, sed per atramentum fusum, à Regnis Ungariæ, Croatia, Slavoniæ avulsum? quanto cum dedecore cessum Amico, de tot Urbibus, Arcibus, Ditionibus; quæ hosti per arma negatæ fuerant; quanti nummi titulo donationû toties promissi, dati, & nunc, non quidem signato, sed elaborato auro & argento, dantur crudeli Amico, quoties aliter pax mendicata haberi non potest? Sed quomodo dicenda pax, quæ exhaustis Populorum fortunis, eeu exangues, bellicue amplius gerendi efficit incapaces? Pro documento erit, sat celebris ad sanctum Gothardum in Ungaria Victoria: Cujus tamen fructus, solitis Turcarum artibus, Cæsari excussi, paxque indecora & damnosa, ingesta, cujus misera ad præsentem diem conditio, vel inde patet, quod continuata armorum non desistunt certamina: clades ab utrinque intermiscuntur continuæ ab intra soventur discordiæ: incertæ de Dominio, certæ de exitio, supremos agunt agones: Tandem hæc omnia, quæ crudelibus æquiparantur bellis, pax vocantur; toleratis, in personis Ministrorum confusionibus & despectibus, speciosus ille, tam nefandæ pacis, sollicitatus titulus.

Quisquis curiosus rerum est indagator, evolvat fastos: examinet Turcici Imperii Chronologiam; plura his, quæ dico, reperiet, fatebiturque non tam armis, quàm his rationibus statûs, hanc potentiam crescere, solidari & perennare. Quarum prima est.

Quo-



Quoties Regnum vel Populum adoriuntur bello, illicò & pacem eidem offerunt; contenti aliquà terræ, vel ditionis portione: ne fortè diuturniori bello exercitiores contra se belligerantes evadant Populi: Ne vicinos communione periculi in societatem armorum contra se evocent: ne ad desperationem (quæ reddit præcordia victis, & ingentes solet patrare ausus) redigantur Populi; collectis supremis viribus, hostem adhuc hospitantem, nec benè stabilicum, finibus suis ejiciant; sed potius ut longa pace, gladio discinctus, ceu redempto bello Populus, dilapso milite, deficientibus per ætatem, belli Ducibus, senescat & ipse: succrescens verò posteritas assuecat malo, sub quo nata, & educata.

Secunda statûs Turcici ratio, ut quidquid injustissimo malè acquisitum bello; per tractatus, ceu legitimâ cessione & donatione, solidetur: quodque erat facti, juris fiat.

Tertiò, facta, ut diximus pace, officia intermiscant: ut in Amurate, Selimo & Orcane visum: Connubia & fraternitates contrahunt, in tantum, ut se hac ratione multoties reddiderint arbitros Christianorû Principum in Asia & Græcia: maximè cum de successione, vel de electione, vacantibus sceptris resageretur: multotiesque erant & alienæ libertatis, & jurium superarbitri: ut inter Palæologum, & Cantacusenum: inter Emanuelem, & Thomam Palæologum, facta testantur exempla.

Quartò ubi viderint Populos, quorum Martialem ferociam, tam oblata pace, quàm memoratis officiis emolliverant, penitioraque tam consiliorum, quàm defe-



defectuum, ex propinquitate vicinitatis, ex crebrioribus militationibus, commerciiisque cognoverint & exploraverint; tum demum, seu ex occasione alicujus facti, vel prætensæ injuriæ, vel ex ratione limitum, vel ex historia antiqua, sumpto aliquo fundamento, imparatis improvisum minantur Martem, nisi hac provincia, illo fortalitia, sibi benevolè redimatur. Tum Populi, tempori iniquo & necessitati cedentes, Regni sui corpus mutilare non dubitant: tuta & præsentia, quàm vetera vel futura & periculosa malunt: Ita sine sanguine accedit Turcis. Populi eousque extenuatur fortuna, ut non amplius in posterum restet, quàm servilis belli, & minarum ejus deprecatio. Pro ut in Peloponneso superiori seculo visum: Cum Amurates, deprecantibus prætensam injuriam iis populis, inter conditiones redintegrandæ amicitiae posuit, quatenus claustrum Isthmi Corinthiaci, antemurale suum propriis disjicerent manibus: ut non amplius eidem fidentes muro, diligentius suam colerent amicitiam. Cesserunt tum illi necessitati, eversoque illo muro, & cenultroneas, Turcicæ inundationi aperuerunt catartas.

Hæc omnia legere fas est in historiis. Sed si ocularis plenè recensque inspectio placuerit, Poloniam ad præsens videamus sortem. Secundum jam decurrit sæculum, ex quo Polonia, armorum & amicitiae Turcicæ fecit discrimen. Primò ex occasione sociæ & amicæ Ungarorum gentis: Cui Reges Poloniae, aut eorum fratres, tum & nepotes præerant. Secundò ex Occasione feudalis Terræ Valachiae. Tertiò ob excursiones piraticas Cosacorum Zaporoviensium: qui-



quibus Pontus Euxinus haud impervius, crebris Constantinopolim, Imperatorum sedem objiciebat periculis, adversaque illa littora Sinopen usque & Trabisundam.

Nunquam Polonos ( unam solumque ad Cecoram si exceperis occasionem, ubi tamen non robur visque Turcica, sed fraus Valachorum, & panicus nonnullorum militum Praefectorum praevaluit terror) Turcica affligerunt arma. Illi è contra, Turcis in Valachia & Podolia, tot dederunt clades. Ita etsi fortuna & virtute superiores Poloni, postquam tamen facilem aurem paci, Candorem Sarmaticum tractatibus concesserunt; Antemurale suum Valachiam, adversamq; Turcis Danubii ripam amiserunt,

Amore pacis cum Turca conservandæ ( etsi Tauricanorum in Poloniam excursiones non prohibuerit, prout tenebatur:) Nihilominus tamen Poloni injecto Boristheni fræno, Martialem Cosacorum suorum indolem, non modò detinere domi, sed vix non suffocare decreverant. Non tamen cessit hoc apud infidum Amicum illis in meritum; imò in exitium. Quietis ille impatiens fervoreque suo bulliens Cosacorum sanguis, unà olim cum Boristhenis undis in mare exonerari solitus, ipsos in Polonos regurgitavit; Commotâque rotius Regionis multitudine, adscitâ in societatem sceleris Tauricanorum potentiâ, non vetante, ut fas erat, sed connivente Turcâ, universam sanguine & igne inundavit Poloniam; ultra trecenta millia hominum, cædes & facces ferentium, Polonorum infundens visceribus.

B

Pro-



Propè triginta per annos, hocce cum malo, gens illa  
luctabatur (ut Moschoviticas, Svecicas Transilvani-  
cas, Brandeburgicas hostilitates ceu belli Cosacici &  
Tartarici symptomata omittamus:) Cùmque jam res  
in eo essent, ut tot cladibus dómica, disceret tandem  
servire rebellio: Gentis Polonæ, tot pactis, & Pro-  
vinciâ Valachiæ obligatus amicus, accipit in cliente-  
lam & protectionem alienæ ditionis populum: tam-  
que insigne, de pace conservanda, Polonorum stu-  
dium, vertit in noxam: Aggreditur Gentem Polo-  
nam tempore iniquissimo: Occupat cum Podolia Ca-  
menecum, non armis belloque expugnatum; sed re-  
meritate, & quâdam vesaniâ incolarum, per exclu-  
sionem aliquot Legionum, pro urbis præsidio, pro-  
videntiâ supremi belli Ducis submissarum, disarm-  
atum, & vix non ultroneè deditum: illicdq; suo mo-  
re, pacem offert eo tempore, quo tervè quaterve  
iteratis præliis cæduntur Tauricani, planè sub  
oculis Turcarum Imperatoris, ad fugam noctu-  
dieque continuatam, iis cladibus compulsi: Cædun-  
tur sequentianno intra munitissima castra, expugna-  
ti ad Chocimum exercitus ejus: Capitur per vim,  
munitissimum Chocimi castrum, Bar. Jazlovecii,  
Miedzibozii, Ratzkoniz, sub Turcis civitates & mu-  
nitiones expugnantur: fugantur ad Leopolim Tar-  
tari tertio anno: quarto Turcæ ad Tremboulam:  
quinto ad Zoravvnam, longâ statione, cladibus coe-  
lique intemperie imminente, ad honestam pacem  
eam Turcici, quàm Taurici coguntur exercitus: iisq;  
omnibus victoriis, expugnationibus, cladibus, fuga-  
tionibus constricti, offerunt eam invicto Polonorum  
Regi:



Regi: Tractatur oblata: concluditur tractata: Legatus Constantinopolim mittitur ex castris: alter solennior à Comitibus. Confidunt Poloni paci: discinguntur gladiis: Quid ad hæc? Vindictam acceptis pro claudibus spirans, odium irreconciliabile fovens, Ottomannorum non immemor pragmaticæ, bello invictos, subdola contendit amicus ille sternere pacem. Accepta tempore belli damna, malefido ulciscitur tractatu: ad Zoravvno laudatas & probatas condiciones impudenter retrahat. Reportat Legatus condiciones residuas, quæ illicò imperiosè alterantur: venit ad dislimitationem Podoliæ: pro potentia, non pro ratione & æquitate decernitur: bellum ingeminatur, ni concedatur, quòd imperatur: Oppidum cum adjacentibus pagis, in Palatinatu Russiæ situm deposcitur. Et sic probatur gentis generositas, an servituti asvelcere velit? imperata facere? Sed hic ne finis? Firma ne tot Provinciarum dispendio pax? Minimè. Supererit adhuc exercendæ patientiæ Polonæ, dislimitatio Ukrainæ. Supererunt nova postulata & desideria, fastuosis permixta minis. Supererunt continuæ expensæ pro sustentando in finibus Regni exercitu: aliæ pro recipiendis Turcicis, Tartaricis, Transilvanicis, Valachicis, Cosacicis Legatis, verigendum inspectoribus, emissariis, speculatoribus: aliæ pro mittendis ex parte Polonorum ad eosdem: aliæ pro Commisariis, Judicibus Limitrophis: aliæ pro muneribus tam Ottomannica in aula, quam in Crimæa faciendis: tum innumeræ aliæ occasiones dispendiorum, quæ tempore tam infidæ & incertæ pacis erunt continuandæ; etsi non minores ipsius belli expensis, infeliciores tamen: Nam his, ceu inter-

nā tabe, fortuna Populi Poloni sensim, sine sensu dif-  
fuet; & sine ense sternetur. Sic olim Bolnia & Epy-  
rus, tum utraque Peloponnesus: Sic Principatus Si-  
nope, & plurimæ aliæ terræ exhaustæ, ultrò Otto-  
mannicum ivère tributum. Supervenit, & adhuc  
superveniet hac pace, durior & intolerabilior, li-  
beræ Polonorum voci, silendi necessitas: Cū jam  
& ad præsens non liceat in publicis consiliis, sine me-  
tu profari quid doleat; multò magis, sine periculo  
præventionis, facere quid expediat? Jam vix non  
cogitur miseranda sorte Polonia reddere rationem,  
quidquid consilii cum vicinis, amicisque Principibus  
agitat: Metuit identidem publicis voluminibus Co-  
mitiorum concedere sancita: Cum toties termino  
tacto citatur ceu ad tribunal tam potentis vicini &  
indigenæ: qui etiam affectus gaudii dolorisque, taliter  
sibi subjectos esse debere præsumit; ut per literas in-  
quire incipiat, cur non congaudeant Poloni, de felici  
Turcarum, contra Christianum Principem, Moschum,  
successu? Erit tempus quo etiam condolere, & tribu-  
tarias lachrymas sibi dari quandoque voluerit.

Hac eadem pace belli Duces, virorumque ro-  
bora senescent, & Martiales eorum spiritus, præser-  
tim verò in magnanimo Rege, redivivos Turca sub-  
metuens Huniades, Scanderbegos, paci, otio, tem-  
porique vincendos tradit; quos armis invictos me-  
tuit ipse.

Insuper ab hac malè fida pace ea sibi Ottoman-  
nus in Polonia promittit subsidia, quæ in Asia & Græ-  
cia ab eadem accepit: ab hac, ceu auxiliares co-  
pias, vel internos Polonorum motus; vel egestatem  
exhau-



exhausti sensim populi, & exinde debilitatem: Vel (quod avertant Superi) semper equidem periculosum, nunc verò omnino exitiosum & funestum expectat Interregnum. Talibus subsidiis Ægyptum, Græciam, Bulgariam, Ungariam attrivit, profligavit, tandem & occupavit. Horret animus meminisse eorum, quæ sub hoc pacis velo teguntur mala.

Jam ergo Reges & Principes Christiani cernite, Antemurale Vestrum, si quando, tum hac pace, certius, quàm generoso bello periclitari? Viros viresq; amittere? Considerate, quanti materies incendii, quo orbis quoque Vester corripendus destinatur, jacet suppositus cineri doloso; repræsentate Vobis d'ignum Regiis & Christianis obtutibus Vestris objectum, taliter pereuntem Poloniam? Vestris vel destitutam subsidiis; vel inani spe eorundem tantùm lactatam, nec nutritam. Et si eam, ut decebat clypeum Vestrum, non amâstis, pro Vobis contra immanissimum hostem præliantem, Vestris de hostibus triumphantem; incipite jam timere morientem. Hæc vos in agone suo citabit ad tremendum Judicem Deum, quòd labenti, tot titulis debitam non tuleritis opem: quam Deus in manibus Vestris eo fine locavit: non in tuam destructionem; sed communem Sanctæ Fidei, & Orbis Christiani conservationem. Assistent illi coram Judice D.F.O., sancti piiq; Antecessores Vestri, Conradi, Henrici, Friderici Imperatores: Sacra Ludovicorum, & Augusta Philipporum in Gallia; Magnanima Richardorum, Henricorum in Anglia, Regum Numina; tot Principum Gallæ, Germaniæ, Italix,

Italiæ, nomina! Qui olim per terras & undas, per saxa & ignes, diversis Orbis in partibus, sacrosanctæ Fidei quærebant hostem: privatas suspendebant, vel mutuò sibi condonabant injurias: ponebant odia, sumebant Christianam charitatem: vitam & sanguinem dimissis Regalibus soliis, vel palatiis; omnia, Christianis in Asia & Africa periclitantibus, fraternâ compassione, Christiana pietate litabant, immolabant. Quid horum nunc in Europa præstatur? etsi periculum in foribus, in oculis; etsi plâctus & gemitus compeditorum feriat de propè aures; etsi copiosa in Coelis merces invitet; Posteritas monstrer, quæ parata est rependere, decora? etsi hoc tantùm peratur, quod securitati Regnorum Vestrorum superest residuum; quo Christianus inquietatur Orbis: etsi longè solidioris gloriæ pandatur theatrum, illa cum Epigraphe: Hoc Reges habent magnificum, nulla quod rapit dies, Prodesse.

Hæc inquam Polonia, toto jam coram orbe protestari parata, non se fore nocentem, si jam cum amissa Ukraina, quinquaginta millia Sclopetariorum, Turcicis subministraverit castris? Tauricanorum, Valachiorum, Moldaviensiumque Equitatum myriades, domi, ut hætenus, objectu sui non continuerit; si tandem (quod adhuc avertant Superi) gentem suam generosam, & tot invictas bellicis laboribus nationes, quot nunc gremio suo continet Polonia, Turcicum sub Imperium, permissu Vestro, cadere contigerit. Credite, ex his Septentrionis partibus, (unde contra Imperium Romanum, Gothicæ, Vandalicæ, Hunno-

rum,



rum, Longobardorum inundationes emanarunt) ingens, ceu ruptis cataraëtis, Ottomannicæ potentix diluvium erupturum; Oderas, Albes, Moenos, Rhēnosque Vestros, facile, ut anteriora probarunt secula, superaturum, non Pireneis, non Apennino sistendum. Nec jam amplius dicite, tenendam Polonis tantisper hanc pacis conditionem: affore tempus, quo subvenietur eidem? Cum ex suprā memoratis documentis, jam sit in plano, hisce momentis res Polonas perire: & Regem, & Duces, & Milites, quorum nunc ætatem, vigorem, ardorem, carpit avara dies, secula non dabunt alterum. Cum sensus majorum, ut alibi, ita & in Polonia tantum viger, quantum est recens. Longè difficilius est eum surgere, qui diu sub onere jacuit & contabuit; quam impedire, ne succumbat. Subjugatus id testatur Oriens: qui securitatem, quam semel subiit, patienter tolerat: & hostis noster esse incepit; postquam amicus esse desuit. Robur Turcicæ militiæ Jamizeri, imò prima Ducum capita, non ne Christianus sanguis? qui Turcicum fortiter sustinet Imperium.

Sed ne parvas curas me diutius loqui credatis, Vobisque importunè obstrepere existimetis, Sileo. Cum Christianæ vis conscientix Vestris Majestatibus plura insinuabit: & pro libertate, quam etiam Regiis in pectoribus habere solet, aliò verlas intentiones Vestras, pro Polonia, pace suâ intereunte, & Regnis Statibusque Vestris, post funera sua Turcicis sub signis exitium minitante, interpellabit.

Impressum Anno Domini 1681.





On

in a "university"

for

Verham















